

## Paerewa Paetae

<b>Aronga</b>	Tikanga ā-lwi 2.1		
<b>Ingoa</b>	Te whakaatu mōhiotanga ki ngā take e hūnuku ai tētahi rōpū me ngā pāpātanga ki te iwi		
<b>Kaupae</b>	2	<b>Whiwhinga</b>	4
<b>Marau akoranga</b>	Te Marautanga o Aotearoa		
<b>Kokonga akoranga</b>	Tikanga ā-lwi		
<b>Mana rēhita</b>	Kua rēhitatia	<b>Te rā i mana ai</b>	19 Whiringa-ā-rangi 2015
<b>Te rā e arotakengia ai</b>	31 Hakihea 2019	<b>Te rā i puta ai</b>	19 Whiringa-ā-rangi 2015

### Te Hononga ki te Marautanga

I ahu mai tēnei paerewa paetae i te Taumata 7 o *Te Marautanga o Aotearoa*, i whakaputaina e Te Pou Taki Kōrero i te tau 2008.

### Whāinga Paetae

#### *Tikanga ā-lwi*

- 1 *Ka kawea, ka whakamahia e ngā hapori me ngā whenua ō rātou haepapa me ō rātou motika i ngā horopaki ā-hapori, ā-whenua, ā-ao hoki.*
- 2 *I ētahi wā, nā te rerekē o ngā whakapono me ngā ariā ahurea, ka tutū te puehu ka puta te mānukanuka.*

#### *Matawhenua*

- 1 *Ka rerekē haere ngā tauira tūturu, ngā tauira ahurea me ngā tukanga i te takanga o te wā, ā, ka rerekē anō te kōrahi mai i tēnā wāhi, ki tēnā wāhi.*
- 2 *Kua rerekē haere ngā whakaaro me ngā hononga ki te taiao tūturu me te taiao ahurea.*

#### *Ōhanga*

- 1 *Mā te ōhanga ka mārama ngā take ohaoha o Aotearoa i tēnei wā.*

E hono ana ki te Papa Whakaako mō te Tikanga ā-lwi kei te pae tukutuku nei:

<http://tmoa.tki.org.nz/Te-Marautanga-o-Aotearoa/Taumata-Matauranga-a-Motu-Ka-Taea>

### Te Hononga ki ngā Tikanga Aromatawai

Arā ngā Tikanga Aromatawai mō tēnei paerewa paetae, kei te:

<http://tmoa.tki.org.nz/Te-Marautanga-o-Aotearoa/Taumata-Matauranga-a-Motu-Ka-Taea>

**Paerewa Paetae**

<p><b>Paetae</b> Te whakaatu mōhiotanga ki ngā take e hūnuku ai tētahi rōpū me ngā pāpātanga ki te iwi.</p>	<p>Hei tohu i te paetae:</p> <ul style="list-style-type: none"> <li>• Ka tautohu i: <ul style="list-style-type: none"> <li>- ngā take e hūnuku ai tētahi rōpū</li> <li>- ngā pāpātanga ki taua rōpū, ki te iwi/hapū hoki.</li> </ul> </li> </ul>
<p><b>Kaiaka</b> He kaiaka te whakaatu mōhiotanga ki ngā take e hūnuku ai tētahi rōpū me ngā pāpātanga ki te iwi.</p>	<p>Hei tohu i te kaiaka:</p> <ul style="list-style-type: none"> <li>• Ka whakamārama i: <ul style="list-style-type: none"> <li>- ngā take e hūnuku ai tētahi rōpū</li> <li>- ngā pāpātanga ki taua rōpū, ki te iwi/hapū hoki.</li> </ul> </li> </ul>
<p><b>Kairangi</b> He kairangi te whakaatu mōhiotanga ki ngā take e hūnuku ai tētahi rōpū me ngā pāpātanga ki te iwi.</p>	<p>Hei tohu i te kairangi:</p> <ul style="list-style-type: none"> <li>• Ka arotake i ngā pāpātanga ki te rōpū, ki te iwi/hapū hoki.</li> </ul>

**Kōrero Āpiti**

1 E whai ake nei ngā whakamārama o ngā tino kupu, kīanga rānei:

<p>ngā take e hūnuku ai tētahi rōpū</p>	<p>Ngā take (pāpori, ahurea, ohaoha, tōrangapū) e hūnuku ai te tangata. Hei taurira:</p> <ul style="list-style-type: none"> <li>• he pakanga, he pāhoru, he tukipoto rānei</li> <li>• he whai i ngā tapuwae o tētahi</li> <li>• he wairua tūhura</li> <li>• he torotoro i te ao</li> <li>• he kimi orange</li> <li>• he rapu mātauranga</li> <li>• he kimi whare e māmā ana te utu</li> <li>• he raru pūtea nō te ao whānui</li> <li>• he hoko rawa a te kāwana</li> <li>• he tāone wharanui</li> <li>• he panoni ā-hapori</li> <li>• he okioki, he whakangā me te hūnuku ki whenua kē.</li> </ul>
<p>ngā pāpātanga</p>	<p>Koia nei ngā pāpātanga (pāpori, ahurea, ohaoha, tōrangapū) o te wā poto, o te wā roa, o waenga rānei ka ahu mai i te hūnuku whenua. Ko ētahi o ngā putanga iho he pai, ko ētahi anō kāhore i te pai. Hei taurira:</p> <ul style="list-style-type: none"> <li>• ngā pāpātanga ohaoha – he pikinga orange, he</li> </ul>

	<p>hekenga oranga, he whai whenua, he whenua ngaro he hekenga taupori rānei</p> <ul style="list-style-type: none"> <li>• ngā pāpātanga ahurea – ka rerekē ngā tikanga, ngā kawa, ka ngaro ngā tātai kōrero</li> <li>• te piringa tangata – ka whai tautoko i ngā rōpū, ka mimiti rānei te tautoko</li> <li>• te pāpātanga ki te tuakiri – ka ngaro, ka panoni, ka whakakaha, ka whenumi</li> <li>• ngā tūmomo umanga kei wāhi kē</li> <li>• te whai oranga</li> <li>• te parea atu o te ahurea ki rahaki</li> <li>• te pāpātanga ki te tuakiri tangata</li> <li>• te reo ā-iwi, ā-hapū</li> <li>• Ngāti Tāone</li> <li>• te whakatū taura here</li> <li>• te noho wehe i tō iwi.</li> </ul>
rōpū	<p>Koia nei tētahi huinga tāngata. Hei tauira:</p> <ul style="list-style-type: none"> <li>• tētahi hapū/iwi</li> <li>• ngā tāngata o tētahi whenua kē</li> <li>• te hunga noho tāone</li> <li>• te hunga noho ki te tuawhenua</li> <li>• te hunga rangatahi</li> <li>• ngā Pākehā i ngā tau 1800</li> <li>• he rūnanga ā-iwi</li> <li>• he rōpū hāpori</li> <li>• he kamupene nui o te ao</li> <li>• he rerenga nō tētahi whenua e ukuukutia ana e te pakanga</li> <li>• ngā tāngata o Poronīhia i te tau 1300.</li> </ul>

**Kuputaka:**

rūnanga ā-iwi	tribal council
pāhorō	revolution
tāone wharanui	unsafe town/city
tukipoto	coup
putanga iho	outcomes
rerenga	refugee
ukuukutia	be ravaged

**Tātari Kounga**

- 1 Me mātua whakamana ngā Kaituku Akoranga me ngā Whakahaere Whakangungu Ahumahi e te Mana Tohu Mātauranga o Aotearoa ka rēhita ai i ngā hua ka puta mai i ngā aromatawai ki ngā paerewa paetae.
- 2 Ko ngā Kaituku Akoranga me ngā Whakahaere Whakangungu Ahumahi kua mana, ā, e aromatawai ana i ā rātou hōtaka ki ngā paerewa paetae, me uru rātou ki ngā pūnaha whakaōrite e tika ana mō aua paerewa paetae.

Ko te tohutoro ki te Mahere Whakamana, Whakaōritenga hoki

0233